

皇清經解

皇

清

經

解

皇清經解卷二百二十二

學海堂

禮說 春官四

吳惠學士 士奇 著

〔小祝及葬設道齋之奠〕

小祝及葬設道齋之奠杜子春曰道中祭也漢儀每街路輒祭
賈公彥云禮道中無祭法非也荀子曰郊止乎天子社至於諸
侯道及士大夫道行神士大夫亦得祭焉說文道上祭謂之禡
一曰道神禡或作場國語壇場之所孔注云場祭道神是古道
中有祭矣天漢二年止禁巫祠道中者文穎曰漢家於道中祠
排禍咎移之於行人百姓師古曰非也祕祝移過文帝久已除
之愚謂小祝有道齋之奠則其禮非起於漢也喪事甸師代王
受眚災小祝設奠大祝讀禱豈非排禍於人移過於下乎乃知

古者相沿之禮俗雖先王亦不能盡除文帝除之武帝禁之其
識卓矣康成曰道祭爲遣奠豈其然乎哀帝時董賢母病長安
厨給祠具道中過者皆飲食如淳曰禱於道中故行人皆得飲
食然則武帝雖禁之而其後仍不絕也一說諸侯適天子道而
出注云祖道禮有出祖天子之出也亦如之其葬也亦如之喪
禮躐行行神之位在廟門外西方行者七祀之一祭行兼及雷
門戶竈故曰分禱五祀王七祀而五者康成謂司命大厲平生
出入不以告說者云祈請道神謂之祖有事於道者君子行役
則列之於中路喪者將遷則設之於階庭

見後
魏志

甸祝禡牲禡馬

甸祝禡牲禡馬爲牲祭求充爲馬祭求健康成讀禡爲侏

音大

也莫知其說賈公彥謂俗讀則然而漢時人傍侏爲侏大義取

肥意學者惑焉案揚雄國三老箴曰負乘覆餗姦寇侏張侏張

猶張大也

左傳張我三軍史記陳涉自立爲王號爲張楚張而大之故曰侏張

文選李善注云侏

張卽轉張轉與侏古字通得之而曰侏張爲驚懼之貌失之周

書壽張爲幻猶詩所謂哆侈成箕哆大貌侈者因物而益大之

名禮有侈袂半而益一侏者侈也故訓爲大侂侏壽轉皆通無

爲有虛爲盈約爲泰謂之壽張壽張者其情難知故爲幻哆侈

者其形不測故成箕其情其形皆張而大之之義初無有驚懼

之說在其間也則又何說而訓爲驚懼哉晉書符堅報慕容垂

曰侏張幽顯布毒存亡宋書蓋吳表曰獬狁侏張侵暴中國魏

書趙修傳曰擅威弄勢侏張不已島夷傳曰桓元侏張則侏張

非驚懼也太元曰修侏侏比于朱儒侏侏長大貌言雖長大與朱儒等又曰陽去其陰陰去其陽物咸侔倡侔與侏同從周從朱等耳

周與朱古音同

侔倡言大而盛也則侏訓爲大明矣

司巫共匱主

司巫共匱主說文

府良切

受物之器從匚單聲宗廟曰盛主廣

雅匱匱筭也蓋廟有石室室中有祐有匱祐爲石函則匱爲木筭矣春秋僖十四年傳典司宗祐昭十八年傳徙祐於周廟哀十六年傳反祐於貳車曰徙曰反可舉而移則祐非石室也蓋祐謂之函曰其函主故亦謂之主孔疏有兩說曰爲石室者慮有火災於廟之北壁內爲之曰藏主有事出之旣祭納焉而又曰石室不可舉而移也故變文爲石函蓋依杜注而曲爲之說

則所謂北壁之書其言不攻而自破矣說文云祔宗廟主也周禮有郊宗石室一曰大夫曰石爲主案郊宗石室周禮無文後魏清河王懌議云饋食設主著于逸禮唐人正義據一家之說不旁及異聞康成見少牢饋食不言主遂謂大夫不禘祫故無主孔悝反祔者孔氏所出公之主耳孔穎達謂孔氏姑姓惟南燕孔悝仕衛已久未詳其所出蓋僭爲之各曰異說如此何休注公羊引士虞記曰桑主不文吉主皆刻而諡之蓋爲禘祫時別昭穆也案士虞記亦無桑主吉主之文皆出於逸禮宋元豐三年祔閣校禮何洵直言虞禮桑主不文請罷題虞主太常言嘉祐治平虞主亦不題諡焚書之後學者不見全經先儒人人異說又如此坊記子云祭祀之有尸也宗廟之有主也大夫士皆有廟特牲少牢皆有尸有廟有尸而獨無主

愚所未達戶竈門行祭皆有主出祖釋輶猶曰苦芻棘柏爲神
主焉而士大夫之廟反無主東帛依神結茅爲菹是何禮也宋
元豐三年禮文所言古者宗廟爲石室曰藏主謂之宗祏夫婦
一體同几共牢一室之中有左主右主正廟之主各藏四壁遷
衆之主藏於太祖廟之北壁其埽去地六尺一寸案漢儀皇后
配食於左坐應劭曰坐於左而並食者若禮曰其妃配右父左
母內主西壁麋信注穀梁亦云然衛宏漢舊儀曰已葬收主爲
木函藏廟太室西壁坎中去地六尺一寸祭則立主於坎下然
則主函漢曰木不曰石也唐諸臣廟室各爲石室一於西墉距
地四尺容二主三品曰上有神主五品曰上有几筵愚謂盛主
之函與藏主之坎同名爲祏本於孔疏無主之廟祔曰几筵依

鄭說耳決疑要注曰毀廟主藏廟外戶之外西牖之中有石函名曰宗祏函中有笥曰盛主蓋坎中有祏祏中有匱祏石而匱木其說得之矣公羊曰虞主用桑中山經曰桑封者桑主也方下銳上中穿而加金

道布

祭祀則司巫共匱主及道布杜子春云道布新布三尺或曰布者曰爲席康成謂道布者爲神所設巾中雷禮曰以功布爲道布屬于几案封禪書有諸布索隱引公羊祭星曰布非也大祝六號一曰神號二曰鬼號三曰示號布者鬼號也秦漢之布卽周官之黼淮南子曰禹勞天下而死爲社后稷作稼穡而死爲稷羿除天下之害而死爲宗布此鬼神之所曰立立者爲之立

號或立爲社或立爲稷或立爲布布猶酺也步也族師祭酺校

人祭步所謂布也巫掌其禮

酺步布音相近而通

然則道布卽宗布歟祭

必有主故因匱主而連及之蜚蜚之酺人鬼之步皆除天下之

害者也蓋起於周而秦漢因焉冢人布巾疏畫皆酺莊子所謂

盛呂篋衍巾冒文繡篋衍笥也卽盛主之匱覆之呂巾亦曰道

布冢人共之非司巫之職也士喪禮商祝執功布注云執之呂

接神爲有所拂仿拂仿者去凶邪之氣說林訓曹氏之裂布注

云楚人名命爲曹俗祭司命呂始織布繫著其旁謂之曹布風

俗通云俗取新斷織夏至呂繫戶亦此類蓋布者鬼號故或執

之呂接神或繫之呂迎神功布道布宗布曹布異而實同也

祭祀菹館司巫其之康成引士虞禮苴實于篚荆之而饌於坵
上洗之而設於几東說者曰爲籍祭之物而祭之用菹非徒籍
祭而已志六穀之名謂之幟卽肆師之表齎盛也護羣神之位
謂之旌卽左傳之羣屏攝也皆曰菹爲之一其之鄉師一其之
甸師而師巫其館所謂包匭菁茅故館一作包然則茅之爲物
薄而其用也重矣春秋楚子入鄭鄭伯肉袒左執茅旌右執鸞
刀皆宗廟之器蓋曰宗廟將不血食歸首於楚曰爲不如是不
足曰感動仁人孝子之心也何休曰茅旌宗廟所用迎道祚指
護祭者斷曰籍不斷曰旌用茅者取其心理順一自本而暢於
末所曰通精誠副至意其說近是鄭眾亦云屏攝束茅曰爲
屏蔽獨韋昭曰屏爲屏風攝爲要扇說本康成翼曰木衣布其

形如襦漢之扇也焚則置於牆遂謂宗廟亦然或未聞于古一
說菹館蓋糈籍也糈與菹同籍之曰館是爲菹館淮南子曰巫
用糈籍中山經曰糈用五種之精離騷注糈精米是也云曰享
神似非古者卜或用茅或用糈故靈氛占曰茅巫咸要曰糈詩
曰握粟出卜管子曰守龜不兆握粟而筮者屢中然則精米古
用曰卜矣莊子所謂鼓筴播精也

播精一作播糈
音所見文選注鼓筴櫟蓍播

糈卜卦鼓之播之皆卜之之法其法用六六觚爲一握故曰握
粟日者列傳云卜有不審不見奪糈此卜曰糈之明文合觀衆
說非徒享神也祭祀必卜故巫共之奠經曰粟從六甲出故六
粟爲一圭卜用六者曰此楚辭啟匱探筴注云發匣引籌今之
匣古之館也

一說糈與貳通說文齎財卜問爲貳古曰米爲財
故其文或從貝或從米皆曰正得聲讀若所握粟

猶齋
財也

祭祀守瘞

凡祭祀司巫守瘞注謂祭地祇埋牲玉守之者祭未畢畢則去之鄭志張逸問五嶽血祭山川埋沉不審五嶽當埋否荅曰五嶽始於血何嫌不埋則血祭皆埋矣余正祭山曰瘞縣不言埋張逸亦引已問荅曰余正之文雜不可據已難周官也校人玉人注皆云祈沈已馬孔穎達引之作瘞沈釋文亦讀祈爲瘞九委反集韻作枝云祭山名蓋祈誤爲枝耳邢昺云瘞謂埋藏卽大宗伯狸沈之禮孔穎達謂瘞非埋郭景純亦云或瘞或縣迄無定論康成所謂雜者已此詩鳧鷖箋云淥水外之高有瘞埋之象疏因謂祭川旣沈而復埋之誤矣昭公二十四年冬十月癸

西王子朝用成周之寶珪於河甲戌津人得之河上沉而自出
 言神不歆其祭也安得有沉而復埋之說乎瘞者禮云瘞繒李
 巡謂埋玉則玉帛及牲皆瘞可知孫炎曰既祭埋之康成謂守
 瘞者祭未畢故孔賈皆謂瘞在祭初不在祭末也南山經瘞用
 一璋西山經瘞用百瑜北山經瘞用一珪東山經瘞用一璧則
 瘞卽瘞審矣中山經曰縣呂吉玉又曰嬰呂吉玉則嬰縣皆祭
 名祭曰縣埋曰瘞瘞與瘞古文通說文有瘞無瘞徐鉉增之贅矣古有瘞玉有
 祭玉祭玉三璋天子巡守宗祀執呂先焉既祭藏之不理廣韻瘞又
作瘞度集韻通作所

巫降之禮

凡喪事司巫掌巫降之禮康成謂巫下神之禮今世或死既歛

就巫下禡其遺禮蓋人無賢愚皆有魂魄魂魄分去則病盡去則死故分去則術家有錄人之法盡去則典禮有招魂之義元命苞曰心者火之精上爲張星腎者水之精上爲虛危脾者土之精上爲北斗故軫星逐鬼張星拘魂東井還魂六微旨大論曰天符爲執法歲位爲行令太一天符爲貴人中執法者其病速而危中行令者其病徐而持中貴人者其病暴而死此之謂禡禡之言彊也彊死能爲神也司巫與神通故掌下神之禮楚人名巫爲靈子言靈降其身也離騷九歌皆歌其事

九歌湘君云隱思君

令隣側隣側者喪大記甸人取所徹廟之西北屏薪土虞禮設于西北隅屏用席屏與隣同謂西北隅屏隱之處故曰屏側不知神之所在故改設於此庶幾歆饗所謂隱思君兮隣側也西北隅謂之笮笮者側也說者曰側爲不安失之甚矣

禡讀

爲傷俶真訓曰傷死者其鬼燒

音遶注云善行病祟人

楚語曰余左執鬼

中右執殤宮注云執謂把其錄籍制服其身知其居處若今世云能使殤也使殤猶下殤所謂巫降之禮蓋如此或曰巫降者巫咸國在女丑北右手操青蛇左手操赤蛇在登葆山羣巫所從上下也其說誕矣漢司直師丹薦邑子丞相史能使巫下神爲國求福則知當時禮俗皆然而杜業曰爲背經術惑左道蓋借此曰毀師丹非公論也

男巫掌望祀旁招以茅

男巫望祀旁招以茅古者禳皆用茅也齊景公爲路寢之臺而

鶚鳴其上公惡之臺成而不踊

踊上也登也齊人語公羊踊於格而闚客

柏常騫齊

之巫也請禳而去之且曰築新室置白茅公如其說築室置茅焉柏常騫夜用事明日使人視之鶚當陞布翬伏地而死矣哲

蒺氏掌覆天鳥之巢曰方書歲月曰辰及二十有八星之號縣其巢上則去之未聞築室置茅且去之而已亦未聞殺之也古有巫鑿鑿屬天官曰治疾病巫屬春官曰事鬼神後世鑿存而巫廢其術猶傳於人間方士竊之曰役使百鬼柏常騫蓋得其術者也既禳鴟而殺之遂欺景公云能益壽而又恐其無徵也是時鉤星在四心之間地當動柏常騫占而知之遂曰得壽地且動爲徵苟非晏子知其術洞其情曰折之則必爲漢之文成五利矣古巫知天道故曰史巫亦曰神士觀天文而知地動得其術者惟東漢張衡其術不傳而遂絕後之方士學不如張平子術不及柏常騫敢爲大言曰欺人主皆庸愚誕妄之尤者歟

漢志維星散句星信則地動極後有四星曰句星斗杓後有三星曰維星散者不相從也晉志西河中九星如鉤狀曰鉤星直